

Headline	KP FRIM terima anugerah tokoh R&D		
MediaTitle	Utusan Malaysia		
Date	04 Jan 2017	Color	Full Color
Section	Mega	Circulation	171,663
Page No	22	Readership	563,000
Language	Malay	ArticleSize	322 cm ²
Journalist	N/A	AdValue	RM 6,422
Frequency	Daily	PR Value	RM 19,266



KP FRIM terima anugerah tokoh R&D

KETUA Pengarah Institut Penyelidikan Perhutanan Malaysia (FRIM), **Datuk Dr. Abd. Latif Mohmod** baru-baru ini menerima Anugerah Perdana bagi kategori Tokoh Penyelidikan dan Pembangunan (R&D) 2016 daripada Yayasan Pembangunan Buku Negara (YPBN).

Menteri Perdagangan Antarabangsa dan Industri, Datuk Seri Mustapa Mohamed, menyampaikan anugerah tersebut sempena Majlis Pelancaran Buku Dikir Barat di Persidangan Buku Antarabangsa 2016 baru-baru ini.

Persidangan anjuran bersama YPBN, IIUM Press, Universiti Teknologi Malaysia (UTM) dan Institut Kefahaman Islam Malaysia (IKIM) ini diadakan di ibu negara.

Penerima lain bagi anugerah tersebut terdiri daripada Prof. Datuk Seri Dr. Mohamed Mustafa Ishak bagi Tokoh Pengarang Negara, Tan Sri Datuk Ng Teck Fong (Tokoh Perdana), Datuk

Seri Prof. Dr Khairil Annas Jtsoh (Tokoh Kepimpinan) dan Faisal Md. Hasim (Tokoh Perbukuan Islam).

Abd Latif juga menerima

memenangi Anugerah Buku Negara (Kategori Buku Teknikal Terbaik) pada 14 Disember bagi buku bertajuk *Sinonim Nama Tempat Dengan Nama Tumbuhan* yang dihasilkannya bersama Dr Ahmad Zuhaidi Yahya, Zawiah Ngah, Nik Zanariah Nik Mahmood dan Othaman Hasin.

Anugerah ini disampaikan oleh Timbalan Menteri Pertanian dan Industri Asas Tani, Datuk Seri Tajuddin Abdul Rahman, sempena Majlis Perasmian Ekspo Buku Malaysia, Persidangan Buku Antarabangsa dan Anugerah Buku Negara.

Mengulas pengiktirafan tersebut, Abd Latif berkata, kejayaan tersebut memberi inspirasi dan motivasi kepada lebih ramai orang terutama generasi muda untuk membaca dan menulis.

“Saya berasa amat bangga dan berbesar hati atas penerimaan kedua-dua anugerah ini,” kata Abd Latif yang juga merupakan penerima Anugerah Perdana bagi kategori Tokoh Buku Penyelidikan pada 2015.

Tambah beliau, buku *Sinonim* adalah hasil aspirasi yang beliau bangkitkan dalam Majlis Biodiversiti Negara pada 2013 untuk dijadikan

rujukan kebangsaan serta mempromosikan usaha pemeliharaan pokok-pokok tradisi di negara ini.

Buku yang mempunyai 354 muka surat ini memaparkan nama tempat yang sinonim dengan 149 tumbuhan di Malaysia. Ada nama tempat yang dinamakan sempena nama pokok mengikut sebutan atau loghat sesuatu lokasi. Turut dilampirkan adalah senarai spesies bunga-bunga dan sayur-sayuran popular yang sinonim dengan nama tempat, senarai nama tempat mengikut negeri yang sinonim dengan nama tempatan tumbuh-tumbuhan serta senarai tempat mengikut negeri yang sinonim dengan nama saintifik tumbuh-tumbuhan.

Yang turut hadir pada majlis tersebut adalah isteri beliau Datin Halidah Kasmin; Timbalan KP (Operasi) FRIM, Datuk Dr Rahim Sudin; Pengarah Perancangan Penyelidikan, Dr Nur Supardi Md. Noor; Ketua Program Biodiversiti Flora, Dr Richard Chung; dan Ketua Komunikasi Korporatnya Norhayati Nordin.

Headline	KP FRIM terima anugerah tokoh R&D		
MediaTitle	Utusan Malaysia		
Date	04 Jan 2017	Color	Full Color
Section	Mega	Circulation	171,663
Page No	22	Readership	563,000
Language	Malay	ArticleSize	322 cm ²
Journalist	N/A	AdValue	RM 6,422
Frequency	Daily	PR Value	RM 19,266

FAKTA

TERBITAN FRIM yang memenangi Anugerah Buku Negara

FRIM telah memenangi Anugerah Buku Negara (Buku Teknikal Terbaik) bagi buku bertajuk *FRIM Tapak Warisan Semula Jadi Negara* pada 2010

WILD Orchids of Peninsular Malaysia pada 2012

99 Spesies Buah di FRIM (2013)

ANUGERAH Perdana (kategori Penyelidikan) untuk *FRIM Warisan Kebangsaan*



PENGARANG buku *Sinonim Nama Tempat dengan Nama Tumbuhan*, (dari kiri) Zawiah Ngah, Othaman Hasin, Dr. Abd Latif Mohmod, Dr. Ahmad Zuhaidi Yahya dan Nik Zanariah Nik Mahmood pada majlis anugerah baru-baru ini.